

Cov Tshuaj Txhaj Tiv Thaix Kab Mob COVID-19 rau Cov Hluas Kev Nkag Siab Txog Kev Pom Zoo Tso Cai

Muaj tshuaj tiv thaiv kab mob COVID-19 rau cov neeg uas muaj hnuv nyoog 6 hli nce rov sauv lawm. Cov kws pab kho mob coob leej xav kom tus niam txiv los yog tus neeg saib xyuas pom zoo tso cai rau cov neeg uas muaj hnuv nyoog qis dua 18 xyoo kom tau txhaj tshuaj tiv thaiv kab mob. Txawm li cas los xij, yog hais tias koj muaj hnuv nyoog qis dua 18 xyoo thiab muaj kev ywj pheej los ntawm koj niam koj txiv, tej zaum koj yuav pom zoo tso cai rau koj tus kheej tau nyob rau hauv qee kis los sis tau txais kev pom zoo tso cai los ntawm koj lub tsev kawm ntawv yog hais tias koj tab tom ntsib kev muaj vaj tse nyob tsis ruaj khov thiab tsis nrog niam txiv los sis tus saib xyuas nyob lawm. Daim ntawv no qhia txog ntau hom kev pom zoo tso cai sib txawv uas tau tso cai raws li tsab cai lij choj ntawm lub xeev, yuav nrhiav tau tus kws pab kho mob twg uas thiaj yuav tuaj yeem pab tau koj, thiab yuav npaj li cas rau koj qhov kev teem caij txhaj tshuaj tiv thaiv kab mob.

Cov laus uas tuaj yeem pom zoo tso cai rau koj tau:



- Niam txiv
- Tus neeg saib xyuas los yog tus neeg saib xyuas raug kev cai
- Ib tus niam thiab txiv qhuav los sis lwm lwm tus neeg tau txais kev tso cai los ntawm tsev hais plaub kom los muab kev pom zoo cia kho mob rau ib tug me nyuam yaus rau ntawm ib lub chaw uas tsis yog nyob hauv tsev (Ntu 13.32A los sis 13.34 Revised Code of Washington (RCW, Kho Tus Qhauj ntawm Washington))
- Ib tug neeg uas muaj ntaub ntawv kos npe tso cai los muab kev txiav txim siab saib xyuas kev noj qab haus huv rau koj.
- Ib tug kwv tij uas lav saib xyuas koj li kev noj qab haus huv
- Ib tug kws tu neeg mob tim tsev kawm ntawv, kws pab tswv yim, los sis kws pab rau cov tsis muaj vaj tse nyob, (yog hais tias koj yog ib tug uas tsis muaj vaj tse nyob raws li tsoom fww McKinney-Vento Homeless Education Act)*

Koj tuaj yeem pom zoo tso cai rau koj tus kheej tau yog hais tias:



- **Koj nyob ywj pheej raug raws li kev cai lij choj.** Koj muaj hnuv nyoog 16 xyoo rov saud thiab koj tau ua ntawv thov thiab raug tso tawm ntawm koj niam thiab txiv lawm.
- **Koj tau sib yuav nrog ib tug me nyuam yaus los sis ib tus neeg loj uas raug tso nyob ywj pheej lawm.**
- **Tus kws pab kho mob txiav txim siab tias koj yog ib tug me nyuam yaus paub tab lawm raws li Mature Minor Doctrine (Lus Qhia Hais Txog Cov Me Nyuam Yaus Paub Tab).****

*Kev paub ntxiv hais txog kev pom zoo tso cai rau kev siv McKinney-Vento:

Raws li txoj cai lij choj ntawm xeev, cov kws tu neeg mob hauv tsev kawm ntawv, cov kws pab tswv yim hauv tsev kawm ntawv, thiab cov kws tiv tauj nrhiav cov tub ntxhais kawm uas tsis muaj tsev nyob tau txais kev tso cai kom muab kev pom zoo tso cai txhaj tshuaj tiv thaiv kab mob rau ib tug hluas los yog tus neeg laus tseem hluas uas tsis muaj tsev nyob (raws li tau teev tseg hauv [tsoom fww McKinney-Vento homeless education act](https://www.fws.gov/mckinney-vento-homeless-education-act) - Lus Askiv nkaus xwb) tus uas tsis nyob qab kev saib xyuas tswj hwm ntawm ib tug niam txiv los yog tus neeg saib xyuas.

Kab ntawv txuas mus rau cov ntaub ntawv qhia: National Center for Homeless Education, *Kev Txhawb Nqa Kev Kawm ntawm Cov Tub Ntxhais Kawm Tsis Muaj Neeg Saib Xyuas Uas Tab Tom Ntsib Teeb Meem Tsis Muaj Tsev Nyob*, <https://nche.ed.gov/wp-content/uploads/2018/10/youth.pdf> - muaj ua lus Askiv nkaus xwb

**Cov lus qhia paub ntxiv txog qhov Mature Minor Doctrine:

Ib txhia kws muab kev pab kho mob tso cai rau cov hluas muab kev pom zoo tso cai raug raws li "Mature Minor Doctrine" yog hais tias lawv muaj peev xwm nkag siab los sis txaus siab rau qhov tshwm sim ntawm qhov txheej txheem kev kho mob.

Hauv kev txiav txim siab saib seb tus neeg mob puas yog me nyuam yaus uas paub tab, cov kws pab kho mob yuav ntsuam xyuas tus me nyuam yaus lub hnuv nyoog, kev txawj ntse, kev loj hlob, kev cob qhia, kev paub, kev ywj pheej los yog tsis muaj, kev coj ua raws li ib tus neeg laus thiab kev ywj pheej los ntawm kev tswj hwm ntawm niam txiv.

Cov kws pab kho mob lees txais kev pom zoo tso cai hauv ob peb txoj hauv kev sib txawv.

- Kev pom zoo tso cai los ntawm lo lus hais (raws hauv xov tooj los yog tim ntsej tim muag)
- Kev pom zoo tso cai uas sau ua ntawv (ib daim ntawv)
- Ib txhia xav kom tau kev pom zoo tso cai sau ua ntawv thiab lo lus hais.
- Kev pom zoo tso cai tim ntsej tim muag los ntawm tus neeg laus muab kev pom zoo tso cai rau koj.

Cov lus qhia kom tau txais kev txhaj tshuaj tiv thaiv kab mob

- **Siv cov kev xaiv kev lim hauv Vaccine Locator (Qhov Nrhiav Tshuaj Tiv Thaiv Kab Mob) (vaccinelocator.doh.wa.gov) los yog hu rau tus kws pab kho mob txhawm rau saib seb hom kev pom zoo tso cai twg uas tus kws pab kho mob lees txais tau.** Cov kev xaiv kev lim uas Haum Zoo Rau Cov Hluas hauv Vaccine Locator yuav pab koj nrhiav ib tus kws pab kho mob uas yuav ua hauj lwm nrog koj qhov xwm txheej. Piv txwv li, yog hais tias koj muaj ib tus neeg laus uas tuaj yeem pom zoo tso cai rau koj tau tiam sis tsis tuaj yeem nrog koj mus tau rau qhov kev teem caij txhaj tshuaj, ces nrhiav tus kws pab kho mob uas lees txais tau cov kev pom zoo tso cai uas sau ua ntawv.
- **Nrhiav cov chaw txhaj tshuaj tiv thaiv kab mob uas lees txais tau kev nkag mus los yog hu rau txhawm rau teem caij mus txhaj tshuaj,** yog hais tias koj tsis muaj tus niam thiab txiv/tus neeg saib xyuas uas tuaj yeem sau daim ntawv foos hauv online tau. Cov kws pab kho mob coob leej thov tias kom niam txiv los sis tus saib xyuas sau daim ntawv foos pom zoo tso cai ua kev teem caij hauv online.
- **Tshuaj xyuas nrog koj lub tsev kawm ntawv.** Yog hais tias koj tab tom ntsib kev tsis muaj vaj tse nyob, tej zaum McKinney-Vento yuav siv tau rau koj. (Saib sab pem hauv ntej rau kev paub ntxiv.) Tej zaum koj yuav tuaj yeem ua hauj lwm tau nrog tus kws tu neeg mob hauv tsev kawm ntawv, tus kws pab tswv yim hauv tsev kawm, los sis tus neeg saib xyuas tub ntxhais kawm uas tsis muaj tsev nyob txhawm rau kom muab kev pom zoo tso cai.
- **Npaj kom txhij rau hom kev pom zoo tso cai uas koj xav tau txhawm rau npaj:**
 - Yog hais tias yuav tsum muaj ib tug neeg laus tuaj koom nrog ntawm koj qhov kev teem caij, kom koom tes nrog lawv.
 - Yog hais tias tus kws pab kho mob lees txais tau kev pom zoo tso cai uas sau ua ntawv, saib seb tus neeg muab kev pom zoo tso cai rau koj ntawd puas tuaj yeem sau thiab kos npe tau rau daim ntawv foos.
 - Yog hais tias koj yog ib tus me nyuam yaus uas raug tso nyob ywj pheej los yog tus me nyuam yaus uas tau sib yuav nrog tus me nyuam yaus uas raug tso nyob ywj pheej los yog tus neeg laus, tej zaum koj yuav xav kom nqa cov ntaub ntawv.
 - Yog hais tias koj tab tom tau txais kev pom zoo tso cai los ntawm kev siv McKinney-Vento, thiab txhawj xeeb tias tsam tus kws pab kho mob yuav muaj lus nug, koj tuaj yeem nqa daim ntawv theej ntawm Tsab cai lij choj hais txog Kev Pom Zoo Tso Cai Uas Tau Qhia: RCW [7.70.065](https://leg.wa.gov/RCW/default.aspx?cite=7.70.065) – Lus Askiv nkaus xwb thiab qhia tsi ntsees feem tshwj xeeb rau cov tsev kawm ntawv. (Kab ntawv txuas mus rau tsab cai lij choj: <https://app.leg.wa.gov/RCW/default.aspx?cite=7.70.065> – Lus Askiv nkaus xwb). Cim tseg: Qhov nod TSIS yog ib txoj cai uas tseev kom ua.
 - Yog hais tias koj tab tom nrhiav kev pom zoo tso cai rau koj tus kheej los ntawm cov Mature Minor Doctrine, tej zaum koj yuav tsum tau muab cov ntawv thiab cov ntaub ntawv qhia tias koj muaj kev ywj pheej los ntawm koj niam koj txiv lawm. Qhov no tsis tas yuav tsum muaj rau txhua tus kws pab kho mob tiam sis tej zaum yuav pab tau. Cov kws pab kho mob ib txhia tsis tau ua qhov kev txiav txim cov me nyuam yaus paub tab ntawm qhov chaw tab sis lees txais kev txiav txim cov me nyuam yaus paub tab los ntawm cov kws pab kho mob yav dhau los.